

**Embargo sehingga jam 1200,  
Jumaat, 4 Januari 2019**

## **PERANGKAAAN PERDAGANGAN LUAR MALAYSIA**

### **PRESTASI PERDAGANGAN LUAR BAGI BULAN NOVEMBER 2018 DAN TEMPOH JANUARI-NOVEMBER 2018 #**

#### ***Lebih Dagangan ke-21 Tahun Berturut-turut***

Jumlah perdagangan Malaysia mencatatkan pertumbuhan kukuh pada **November 2018**, meningkat **3.2%** kepada **RM162.03 bilion** berbanding bulan **yang sama tahun lalu**. Peningkatan dalam jumlah perdagangan dapat dilihat dengan ASEAN, Taiwan, Perancis, Hong Kong SAR, Arab Saudi, Republik Korea (ROK), Russia, India dan Qatar.

**Eksport** mencatatkan pertumbuhan **1.6%** tahun ke tahun kepada **RM84.79 bilion** pada November 2018, manakala **import** meningkat 5% kepada **RM77.24 bilion**. Ini menghasilkan **lebih dagangan** sebanyak **RM7.55 bilion**, menurun 24%. **Lebih ini merupakan lebih dagangan yang ke-253 bulan berturut-turut sejak November 1997.**

Bagi perbandingan bulan ke bulan, **jumlah perdagangan, eksport** dan **import** masing-masing merekodkan penurunan sebanyak 8.2%, 12% dan 3.5%. Lebih dagangan berkurang sebanyak 53.7%.

**Bagi tempoh 11 bulan pertama tahun 2018, jumlah perdagangan** berkembang 6.2% kepada **RM1.72 trilion** berbanding tempoh yang sama tahun 2017. **Eksport** meningkat kepada **RM914.67 bilion**, naik 6.9% dan **import** berkembang 5.3% kepada **RM805.12 bilion**. **Lebih dagangan** bagi tempoh ini mencatatkan peningkatan dua digit sebanyak 20.2% kepada **RM109.55 bilion**.

## **Prestasi Eksport Sektor Utama**

### ***Barangan Perkilangan & Hasil Galian Memacu Pertumbuhan Eksport***

Eksport barangan perkilangan pada November 2018 meningkat 2.2% tahun ke tahun kepada RM70.35 bilion dan merangkumi 83% daripada jumlah eksport Malaysia. Peningkatan ini disokong terutamanya oleh kenaikan eksport keluaran petroleum, kimia dan bahan kimia, barangan optik dan saintifik serta barangan besi dan keluli yang mengimbangi penurunan eksport barangan elektrik dan elektronik (E&E). Barangan E&E menyusut sebanyak RM528.2 juta atau 1.7%, menurun buat pertama kali sejak Mac 2018.

Eksport hasil galian meningkat 16.1% kepada RM8.33 bilion, menyumbang 9.8% daripada jumlah eksport Malaysia pada November 2018. Peningkatan eksport telah direkodkan bagi gas asli cecair (LNG) dan petroleum mentah berikutan Nilai Unit Purata (AUV) yang tinggi.

Eksport keluaran pertanian yang merangkumi 6.6% daripada jumlah eksport menyusut 17.6% kepada RM5.56 bilion. Ini adalah disebabkan oleh pengurangan eksport minyak sawit dan keluaran pertanian berasaskan minyak sawit, terutamanya minyak sawit, berikutan penurunan AUV.

### **Barangan eksport utama pada November 2018:**

- Barangan E&E bernilai RM31.18 bilion, merangkumi 36.8% daripada jumlah eksport, menurun 1.7% berbanding November 2017;
- Keluaran petroleum, RM7.47 bilion, 8.8% daripada jumlah eksport, naik 41.2%;
- Kimia dan bahan kimia, RM5.03 bilion, 5.9% daripada jumlah eksport, bertambah 15.1%;
- LNG, RM4.56 bilion, 5.4% daripada jumlah eksport, meningkat 26.4%; dan
- Minyak sawit dan keluaran pertanian berasaskan minyak sawit, RM3.7 bilion, 4.4% daripada jumlah eksport, menurun 21.1%.

Berbanding Oktober 2018, eksport barangan perkilangan menurun 13.1%, hasil galian, 4.2% lebih rendah dan keluaran pertanian menyusut 9%.

Bagi tempoh 11 bulan pertama tahun 2018, eksport barangan perkilangan yang mewakili 83.7% daripada jumlah eksport berkembang 9.2% kepada RM765.78 bilion berbanding tempoh yang sama tahun 2017. Eksport yang lebih tinggi direkodkan bagi barangan E&E, kimia dan bahan kimia, barangan perkilangan logam, keluaran petroleum serta barangan optik dan saintifik. Eksport hasil galian (syer 8.7%) meningkat 8% kepada RM79.41 bilion dipacu terutamanya oleh pertambahan eksport petroleum mentah. Manakala, eksport keluaran pertanian (syer 6.8%) berkurang 13.8% kepada RM62.23 bilion, berikutan penurunan eksport minyak sawit dan keluaran pertanian berasaskan minyak sawit serta getah asli.

### **Prestasi Perdagangan dengan Pasaran Utama**

#### ***Eksport ke ASEAN Kekal Pertumbuhan Positif Bagi 6 Bulan Berturut-turut***

Perdagangan dengan ASEAN pada November 2018 meningkat 4% tahun ke tahun kepada RM45.84 bilion dan merangkumi 28.3% daripada jumlah perdagangan Malaysia. Eksport berkembang 6.4% kepada RM26.17 bilion, disumbang oleh kenaikan eksport petroleum mentah, barangan E&E dan keluaran petroleum. Ketiga-tiga barangan ini menyumbang 56.1% kepada jumlah eksport Malaysia ke ASEAN. Import dari ASEAN naik 0.9% kepada RM19.67 bilion.

Pecahan eksport ke negara ASEAN pada November 2018:

- Singapura RM 13.10 bilion, **meningkat** 7.1%
- Thailand RM 4.75 bilion, ↑3.7%
- Viet Nam RM 3.34 bilion, ↑39.0%
- Indonesia RM 2.81 bilion, ↓13.2%
- Filipina RM 1.48 bilion, ↓0.7%
- Myanmar RM 370.5 juta, ↑10.3%
- Brunei RM 189.4 juta, ↓1.7%
- Kemboja RM 116.7 juta, ↑7.1%
- Lao PDR RM 3.6 juta, ↓19.2%

Eksport ke beberapa pasaran utama dalam ASEAN yang merekodkan peningkatan ketara adalah **Viet Nam** yang berkembang RM938.5 juta berikutan kenaikan eksport keluaran petroleum manakala **Singapura** (↑RM872.2 juta) dan **Thailand** (↑RM170.7 juta), disumbangkan oleh eksport yang lebih tinggi bagi petroleum mentah.

Bagi perbandingan bulan ke bulan, perdagangan dengan ASEAN merosot 6.1%. Eksport dan import masing-masing turut menurun 4.1% dan 8.6%.

Bagi tempoh 11 bulan pertama tahun 2018, perdagangan dengan ASEAN berkembang 4.6% kepada RM468.16 bilion berbanding tempoh yang sama tahun 2017. Eksport ke rantau ini meningkat 4.8% kepada RM261.97 bilion didorong oleh kenaikan eksport barangan E&E, petroleum mentah, barangan perkilangan logam, kimia dan bahan kimia serta kelengkapan pengangkutan. Import naik 4.4% kepada RM206.2 bilion.

### ***Eksport ke China Terus Berkembang***

Perdagangan dengan China yang merangkumi 16.4% daripada jumlah perdagangan Malaysia menurun 0.2% tahun ke tahun kepada RM26.51 bilion pada November 2018. Eksport ke China meningkat 3.9% kepada RM11.65 bilion, berikutan kenaikan eksport kimia dan bahan kimia, keluaran petroleum serta LNG. Import dari China menyusut 3.3% kepada RM14.85 bilion.

Berbanding Oktober 2018, jumlah perdagangan dan eksport masing-masing menurun 10.8% dan 22.9%, manakala import naik 1.8%.

Perdagangan dengan China bagi tempoh 11 bulan pertama 2018 berkembang 8.5% kepada RM286.86 bilion berbanding tempoh yang sama tahun lalu. Bagi tempoh ini, eksport ke China mencatatkan pertumbuhan kukuh sebanyak 11.3% kepada RM127.4 bilion, didorong oleh kenaikan eksport kimia dan bahan kimia, barangan E&E, LNG, barangan perkilangan logam serta barangan optik dan saintifik. Import dari China naik 6.3% kepada RM159.46 bilion.

***Prestasi Perdagangan dengan EU Sederhana***

Perdagangan Malaysia dengan Kesatuan Eropah (EU) pada November 2018 berjumlah RM15.37 bilion atau merangkumi 9.5% daripada jumlah perdagangan Malaysia, meningkat 1% berbanding November 2017. Eksport menurun 7.7% kepada RM7.52 bilion, disebabkan oleh penurunan eksport barangan E&E. Walau bagaimanapun, kenaikan eksport dicatatkan bagi barangan perkilangan berasaskan minyak sawit, kimia dan bahan kimia, barangan optik dan saintifik, jentera, kelengkapan dan peralatan serta kelengkapan pengangkutan. Import dari EU meningkat 10.9% kepada RM7.85 bilion.

**Di antara 10 pasaran utama yang merangkumi 90.8% daripada jumlah eksport Malaysia ke EU, hanya 3 negara yang mencatatkan peningkatan iaitu Sepanyol (↑81.2%), Itali (↑38.2%) dan Poland (↑16.2%).**

Bagi perbandingan bulan ke bulan, perdagangan dengan EU menurun 2.6%. Eksport 12.1% lebih rendah, manakala import meningkat 8.7%.

Bagi tempoh Januari-November 2018, perdagangan dengan EU meningkat 7.2% kepada RM168.68 bilion berbanding tempoh yang sama tahun lalu. Eksport meningkat 4.3% kepada RM90.66 bilion, didorong oleh pertambahan eksport ke Jerman, Itali dan Sepanyol. Kenaikan eksport disumbangkan oleh eksport yang lebih tinggi bagi barangan perkilangan logam, kimia dan bahan kimia, keluaran getah serta barangan besi dan keluli. Import dari EU meningkat 10.7% kepada RM78.02 bilion.

***Perdagangan dengan AS - Pertumbuhan Positif sejak Julai 2018***

Perdagangan Malaysia dengan Amerika Syarikat (AS) pada November 2018 merekodkan pertumbuhan marginal sebanyak 0.7% kepada RM12.77 bilion dan merangkumi 7.9% daripada jumlah perdagangan Malaysia. Eksport ke AS bernilai RM7.28 bilion, menurun 3.6% berikutan permintaan yang perlahan bagi barangan perkilangan terutamanya barangan E&E. Barangan E&E menyumbang 51.3% kepada jumlah eksport Malaysia ke AS. Import tumbuh 7.1% kepada RM5.49 bilion.

Berbanding Oktober 2018, perdagangan, eksport dan import masing-masing menurun 11.7%, 15.7% dan 5.8%.

Bagi tempoh Januari-November 2018, perdagangan dengan AS bernilai RM141.97 bilion, meningkat secara marginal sebanyak 0.1% berbanding tempoh yang sama tahun 2017. Eksport ke AS naik 1.3% kepada RM82.78 bilion disokong oleh kenaikan eksport barangan optik dan saintifik, kelengkapan pengangkutan, barangan perkilangan logam, jentera, kelengkapan dan peralatan serta keluaran getah. Import dari AS menyusut 1.6% kepada RM59.19 bilion.

### ***Perdagangan dengan Jepun Perlahan pada November 2018***

Pada November 2018, perdagangan dengan Jepun yang merangkumi 7% daripada jumlah perdagangan Malaysia merekodkan penurunan 5.2% tahun ke tahun kepada RM11.41 bilion. Eksport ke Jepun menurun 8.9% kepada RM5.92 bilion, disumbangkan terutamanya oleh eksport yang lebih rendah bagi LNG dan petroleum mentah, serta permintaan yang perlahan bagi barangan perkilangan, iaitu barangan E&E, barangan perkilangan logam, barangan optik dan saintifik, barangan besi dan keluli serta barangan perkilangan berasaskan minyak sawit. Import dari Jepun berkurang 0.9% kepada RM5.49 bilion.

Bagi perbandingan bulan ke bulan, perdagangan dan eksport masing-masing menurun 5.6% dan 10.4%, manakala import meningkat 0.3%.

Bagi tempoh 11 bulan pertama tahun 2018, perdagangan dengan Jepun bernilai RM121.13 bilion, berkurang 4.8% berbanding tempoh yang sama tahun lalu. Eksport ke Jepun bernilai RM62.98 bilion, menurun 8.9% disebabkan oleh pengurangan eksport LNG dan barangan E&E. Walau bagaimanapun, pertumbuhan eksport direkodkan bagi kimia dan bahan kimia, barangan perkilangan logam, barangan besi dan keluli serta keluaran petroleum. Import dari Jepun menurun 0.1% kepada RM58.15 bilion.

### ***Perdagangan dengan Rakan Dagang FTA***

Pada November 2018, perdagangan dengan rakan dagang Perjanjian Perdagangan Bebas (FTA) yang merangkumi 63.5% daripada jumlah perdagangan Malaysia mencatatkan peningkatan 1.4% kepada RM102.96 bilion. Eksport ke negara rakan dagang FTA bertambah 1% kepada RM54.21 bilion, disokong oleh kenaikan eksport ke negara-negara Asia terutamanya Viet Nam, Singapura, China, Thailand, Myanmar dan Kemboja. Secara kolektifnya, negara-negara ini menyumbang 61.6% kepada jumlah eksport Malaysia ke negara rakan dagang FTA. Import berkembang 1.7% kepada RM48.75 bilion.

Berbanding Oktober 2018, perdagangan dengan FTA menurun 7.7%. Eksport dan import masing-masing turut menurun sebanyak 10.4% dan 4.5%.

Perdagangan dengan rakan dagang FTA bagi 11 bulan pertama 2018 yang merangkumi 62.4% daripada jumlah perdagangan Malaysia meningkat 4.1% kepada RM1.073 trilion. Eksport bernilai RM563.56 bilion, naik 4.4% dan import berjumlah RM509.47 bilion, berkembang 3.7%.

### ***Pasaran Lain yang Mencatatkan Peningkatan Eksport***

Pada November 2018, **antara pasaran lain yang mencatatkan peningkatan eksport yang ketara adalah Taiwan dan Hong Kong SAR**. Eksport ke **Taiwan** merekodkan pertumbuhan kukuh sebanyak 54.4% tahun ke tahun kepada RM3.06 bilion, didorong terutamanya oleh eksport yang lebih tinggi bagi LNG. Eksport ke **Hong Kong SAR** meningkat sebanyak 17.4% kepada RM5.93 bilion, disumbangkan oleh peningkatan eksport barangan E&E serta keluaran petroleum.

### **Prestasi Import**

Pada bulan November 2018, **import naik 5% tahun ke tahun kepada RM77.24 bilion**. Tiga kategori utama import mengikut penggunaan akhir yang merangkumi 74.2% daripada jumlah keseluruhan import adalah:

- **Barang pengantara**, berjumlah RM40.25 bilion atau 52.1% daripada jumlah import, menurun 0.3%, berikutan penyusutan import alat ganti dan aksesori barang modal (kecuali kelengkapan pengangkutan), terutamanya jentera, kelengkapan dan peralatan elektrik;
- **Barang modal**, bernilai RM10.49 bilion atau 13.6% daripada jumlah import, meningkat 0.4%, berikutan kenaikan import kelengkapan pengangkutan bagi kegunaan industri khususnya kapal terbang; dan
- **Barang penggunaan**, berjumlah RM6.61 billion atau 8.6% daripada jumlah import, naik 0.9%, hasil kenaikan import bahan tahan lama (*durables*), terutamanya barangan kemas.

Bagi tempoh Januari-November 2018, import bernilai RM805.12 bilion, berkembang 5.3% berbanding tempoh yang sama tahun 2017. **Barang pengantara** bernilai RM420.79 bilion, menurun 4.5%, **barang modal** (RM102.61 bilion, ↓0.8%) dan **barang penggunaan** (RM66.19 bilion, ↑2.1%).



*Nota:*

*Perlu diambil perhatian bahawa dari segi konsep, angka eksport dan import dalam perangkaan perdagangan luar negeri adalah berbeza daripada apa yang terdapat dalam akaun barangan untuk perhitungan imbalan pembayaran. Penyusunan perangkaan perdagangan antarabangsa biasanya dibuat berdasarkan rekod kastam yang mencerminkan pergerakan barangan fizikal dari satu sempadan ke sempadan yang lain, dan mengikut garis panduan antarabangsa mengenai konsep-konsep dan definisi-definisi contohnya International Merchandise Trade Statistics: Concepts and Definitions 2010 (IMTS 2010) yang berbeza dengan prinsip-prinsip Sistem Akaun Negara (SNA) dan perhitungan Imbalan Pembayaran (BOP). Dalam SNA, barangan didefinisikan sebagai "barangan fizikal yang ada permintaan dan di mana hak milik boleh dikenal pasti serta hak miliknya boleh dipindahkan dari satu institusi ke institusi lain melalui pasaran".*

*Ini adalah keluaran awalan, keterangan terperinci akan diterbitkan dalam laporan "PERANGKAAAN PERDAGANGAN LUAR NEGERI BULANAN" yang akan dikeluarkan oleh Jabatan Perangkaan Malaysia, untuk kegunaan umum pada jam 1200, Jumaat, 4 Januari 2019 dan boleh dimuat turun melalui eStatistik di portal Jabatan Perangkaan Malaysia (<https://newss.statistics.gov.my/newss-ortalx/ep/epLogin.seam>).*

+ *Siaran media ini boleh diakses daripada portal Kementerian Perdagangan Antarabangsa dan Industri (<http://www.miti.gov.my>) dan Perbadanan Pembangunan Perdagangan Luar Malaysia (<http://www.matrade.gov.my>).*

# *Data bulan November 2018 adalah provisional dan tertakluk kepada semakan/pindaan dalam keluaran berikutnya.*

*Mulai bulan rujukan April 2018, pemilihan kod untuk eksport dan import bagi minyak sawit dan keluaran berasaskan minyak sawit telah dikaji semula serta dikemaskini untuk lebih mewakili barangan tersebut, dan ini telah menyebabkan sedikit perubahan pada data.*

Tahun/ Tempoh	<u>Jumlah Eksport</u> (RM Juta)	<u>Jumlah Import</u> (RM Juta)	<u>Jumlah Perdagangan</u> (RM Juta)	<u>Imbangan Perdagangan</u> (RM Juta)
<b>2017<sup>f</sup></b>				
Januari	70,309.4	65,439.6	135,749.0	4,869.8
Februari	71,979.3	63,058.5	135,037.8	8,920.8
Mac	82,890.9	77,240.3	160,131.2	5,650.6
April	74,243.4	65,210.7	139,454.2	9,032.7
Mei	79,216.0	72,973.4	152,189.4	6,242.6
Jun	72,823.6	62,627.4	135,451.0	10,196.2
Julai	78,747.8	70,589.6	149,337.4	8,158.3
Ogos	82,024.8	72,113.0	154,137.9	9,911.8
September	77,861.5	69,650.4	147,511.9	8,211.1
Oktober	81,862.2	71,851.1	153,713.3	10,011.1
<b>November</b>	<b>83,485.9</b>	<b>73,551.9</b>	<b>157,037.8</b>	<b>9,934.1</b>
Disember	79,482.0	72,116.3	151,598.2	7,365.7
<b>2017 (Jan-Dis)<sup>f</sup></b>	<b>934,926.8</b>	<b>836,422.2</b>	<b>1,771,349.0</b>	<b>98,504.6</b>
<b>2018<sup>P</sup></b>				
Januari	82,820.1	73,152.8	155,972.8	9,667.3
Februari	70,342.6	61,325.0	131,667.5	9,017.6
Mac	84,467.0	69,778.7	154,245.7	14,688.3
April	84,246.7	71,225.2	155,472.0	13,021.5
Mei	82,110.4	73,993.6	156,104.0	8,116.8
Jun	78,610.8	72,609.9	151,220.7	6,000.9
Julai	86,154.4	77,827.4	163,981.8	8,327.0
Ogos	81,810.2	80,197.1	162,007.3	1,613.1
September	82,953.0	67,720.0	150,673.0	15,233.0
Oktober	96,363.9	80,050.5	176,414.4	16,313.4
<b>November</b>	<b>84,791.7</b>	<b>77,237.4</b>	<b>162,029.1</b>	<b>7,554.2</b>
<b>2017 (Jan-Nov)<sup>f</sup></b>	<b>855,444.8</b>	<b>764,305.9</b>	<b>1,619,750.8</b>	<b>91,138.9</b>
<b>2018 (Jan-Nov)<sup>P</sup></b>	<b>914,670.7</b>	<b>805,117.6</b>	<b>1,719,788.3</b>	<b>109,553.1</b>

Nota: Jumlah tidak semestinya terhasil disebabkan pembundaran.

**JADUAL 2: BARANGAN UTAMA EKSPORT**

Barangan	Nov 2018 <sup>p</sup>	Okt 2018 <sup>p</sup>	Nov 2017 <sup>f</sup>
	RM Juta	RM Juta	RM Juta
<b>Jumlah Eksport</b>	<b>84,791.7</b>	<b>96,363.9</b>	<b>83,485.9</b>
Barangan Elektrik & Elektronik	31,179.2	38,377.7	31,707.4
Keluaran Petroleum	7,468.3	8,132.3	5,289.6
Kimia & Bahan Kimia	5,032.7	5,676.8	4,374.0
LNG	4,562.0	4,069.9	3,608.9
Minyak Sawit & Keluaran Pertanian Berasaskan Minyak Sawit	3,703.5	4,119.6	4,694.4
Barangan Perkilangan Logam	3,537.2	4,379.3	3,665.0
Jentera, Kelengkapan & Peralatan	3,323.2	3,325.1	3,337.1
Barangan Optik & Saintifik	3,176.6	3,395.5	2,875.2
Petroleum Mentah	2,863.9	3,791.7	2,433.5
Keluaran Getah	2,259.6	2,397.9	2,321.2

**JADUAL 3: PASARAN UTAMA EKSPORT**

Pasaran	Nov 2018 <sup>p</sup>	Okt 2018 <sup>p</sup>	Nov 2017 <sup>f</sup>
	RM Juta	RM Juta	RM Juta
<b>Jumlah Eksport</b>	<b>84,791.7</b>	<b>96,363.9</b>	<b>83,485.9</b>
Singapura	13,103.5	13,372.6	12,231.2
China	11,652.4	15,116.8	11,217.0
AS	7,280.0	8,636.6	7,555.6
Hong Kong SAR	5,930.1	7,322.5	5,053.3
Jepun	5,918.9	6,607.4	6,496.3
Thailand	4,749.5	5,891.2	4,578.8
ROK	3,554.3	2,994.9	3,559.8
Viet Nam	3,342.9	3,093.2	2,404.5
Taiwan	3,055.8	3,736.0	1,979.6
Australia	2,836.9	3,942.4	3,303.7

**JADUAL 4: BARANGAN UTAMA EKSPORT (JANUARI-NOVEMBER)**

Barangan	Jan-Nov 2018 <sup>p</sup>	Jan-Nov 2017 <sup>f</sup>
	RM Juta	RM Juta
<b>Jumlah Eksport</b>	<b>914,670.7</b>	<b>855,444.8</b>
Barangan Elektrik & Elektronik	348,002.9	314,331.9
Keluaran Petroleum	71,392.4	65,687.9
Kimia & Bahan Kimia	52,366.8	43,217.4
Minyak Sawit & Keluaran Pertanian Berasaskan Minyak Sawit	41,745.3	49,958.7
Barangan Perkilangan Logam	41,432.5	34,511.4
Jentera, Kelengkapan & Peralatan	37,253.8	36,996.4
LNG	36,017.5	37,184.4
Petroleum Mentah	33,380.4	25,543.9
Barangan Optik & Sainifik	33,085.9	29,562.7
Keluaran Getah	24,172.5	24,172.7

**JADUAL 5: PASARAN UTAMA EKSPORT (JANUARI- NOVEMBER)**

Pasaran	Jan-Nov 2018 <sup>p</sup>	Jan-Nov 2017 <sup>f</sup>
	RM Juta	RM Juta
<b>Jumlah Eksport</b>	<b>914,670.7</b>	<b>855,444.8</b>
China	127,399.3	114,415.0
Singapura	127,244.1	125,047.2
AS	82,784.7	81,740.1
Hong Kong SAR	68,093.6	42,545.4
Jepun	62,980.0	69,098.9
Thailand	52,331.1	46,467.4
India	33,177.4	31,933.4
Viet Nam	31,331.9	24,858.3
ROK	30,706.5	25,344.2
Australia	30,342.8	29,858.3

**JADUAL 6: BARANGAN UTAMA IMPORT**

Barangan	Nov 2018 <sup>p</sup>	Okt 2018 <sup>p</sup>	Nov 2017 <sup>f</sup>
	RM Juta	RM Juta	RM Juta
<b>Jumlah Import</b>	<b>77,237.4</b>	<b>80,050.5</b>	<b>73,551.9</b>
Barangan Elektrik & Elektronik	22,038.2	23,619.4	22,463.3
Keluaran Petroleum	9,830.1	9,358.8	6,670.0
Kimia & Bahan Kimia	7,045.0	7,712.2	6,503.6
Jentera, Kelengkapan & Peralatan	6,169.2	6,242.2	7,311.4
Kelengkapan Pengangkutan	4,347.9	3,573.0	3,057.5
Barangan Perkilangan Logam	4,028.0	4,250.6	4,052.2
Barangan Besi & Keluli	2,663.2	2,441.0	2,535.3
Barangan Optik & Saintifik	1,937.3	2,050.3	2,066.3
Barangan Makanan Diproses	1,780.2	1,800.7	1,846.1
Petroleum Mentah	1,465.7	2,341.5	1,408.9

**JADUAL 7: PASARAN UTAMA IMPORT**

Pasaran	Nov 2018 <sup>p</sup>	Okt 2018 <sup>p</sup>	Nov 2017 <sup>f</sup>
	RM Juta	RM Juta	RM Juta
<b>Jumlah Import</b>	<b>77,237.4</b>	<b>80,050.5</b>	<b>73,551.9</b>
China	14,853.6	14,594.3	15,353.1
Singapura	9,187.7	10,173.4	8,842.2
Jepun	5,492.3	5,475.6	5,544.2
AS	5,486.1	5,821.8	5,123.7
Taiwan	5,397.2	6,234.6	4,987.8
Thailand	4,187.5	4,086.2	4,183.5
Indonesia	3,717.3	4,177.1	3,476.9
ROK	3,467.1	3,840.5	3,010.3
India	2,797.9	2,933.1	2,427.7
Jerman	2,313.8	2,387.2	2,590.7

**JADUAL 8: BARANGAN UTAMA IMPORT (JANUARI-NOVEMBER)**

Barangan	Jan-Nov 2018 <sup>p</sup>	Jan-Nov 2017 <sup>f</sup>
	RM Juta	RM Juta
<b>Jumlah Import</b>	<b>805,117.6</b>	<b>764,305.9</b>
Barangan Elektrik & Elektronik	239,698.6	231,487.5
Keluaran Petroleum	79,899.4	69,617.5
Kimia & Bahan Kimia	75,785.5	68,315.5
Jentera, Kelengkapan & Peralatan	67,418.4	71,938.5
Barangan Perkilangan Logam	42,106.4	39,894.2
Kelengkapan Pengangkutan	41,854.3	35,655.6
Barangan Besi & Keluli	28,580.1	25,153.5
Barangan Optik & Saintifik	21,310.8	22,876.9
Petroleum Mentah	19,755.5	14,624.4
Barangan Makanan Diproses	18,096.0	19,023.9

**JADUAL 9: PASARAN UTAMA IMPORT (JANUARI-NOVEMBER)**

Pasaran	Jan-Nov 2018 <sup>p</sup>	Jan-Nov 2017 <sup>f</sup>
	RM Juta	RM Juta
<b>Jumlah Import</b>	<b>805,117.6</b>	<b>764,305.9</b>
China	159,459.0	149,945.4
Singapura	95,261.5	84,979.5
AS	59,189.6	60,136.0
Taiwan	58,402.7	50,092.4
Jepun	58,150.3	58,188.8
Thailand	44,446.0	44,078.7
Indonesia	37,174.6	34,989.5
ROK	35,808.7	36,548.7
Jerman	24,264.2	24,263.5
India	24,184.8	24,625.9

Sumber : Jabatan Perangkaan, Malaysia  
 Disediakan oleh: MATRADE

Nota:

p - data provisional

f – data muktamad

**CARTA 1: PERDAGANGAN LUAR MALAYSIA BULANAN, 2012 - NOVEMBER 2018**

